

欽定平定教匪紀略

欽定平定教匪紀畧卷三十三

正月二十七日<sub>丑</sub>長齡楊遇春朱勲奏言竊<sub>臣</sub>

楊遇春馳赴隴州剿辦麻大旗等股匪於十七

日趕抵胡家堡探知賊匪二千七八百人竄至

桃花坪距胡家堡二十餘里恐其聞信奔逃隨

連夜進兵<sub>臣</sub>楊遇春卽同總兵游棟雲率領奮

勇官兵在前侍衛諾木齊蘇倫保藍翎侍衛札

王善副將銜齊慎都司趙起貴胡超等帶領馬

步兵丁隨後接應行抵桃花坪賊已起竄

臣楊

遇春查看賊營火種尙燃料其去蹤不遠隨督

兵趕緊催追十餘里沿途殺賊一百餘名捉獲

活賊訊知該匪夥內前次分出之李大旗楊小

一一股二千餘人因聞官兵踵至現折回栢楊

嶺與麻大旗劉二等合夥希圖抗拒因思賊衆

合爲一處正可聚而殲除臣楊遇春親督鎮將  
趕緊前進於五更時進至栢楊嶺該處兩山夾  
峙近傍老林中間有路一條嶺下有木瓦房八  
九十間兩股賊匪於嶺上分屯臣楊遇春同總  
兵游棟雲親督官兵併力仰攻詎該匪恃其人  
衆向下齊撲我兵間有受傷官兵人人切齒奮  
力相抵殺賊二百餘人賊始少怯退至場後嶺

上仍敢聚衆在山口施放鎗礮拚命抵敵時天

色漸曉

臣

楊遇春令總兵游棟雲守備孫光烈

候補守備李萬餘帶寧夏步隊從右手山梁抄

進派遊擊李士林陳喜劉發恒都司劉夢龍帶

固原步隊從左手山梁抄進侍衛諾木齊蘇倫

保佐領巴圖魯托隆武薩寧阿叅領德慶都司

劉鳳翥候補守備段永福分帶馬隊亦分兩路

進攻臣楊遇春親帶副將銜齊慎候補守備饒

成富守備陳貴單烟唐大德帶領奮勇官兵由

中路直前仰撲該匪等仍敢放鎗擲石不肯稍

退見賊目二人頭戴水晶頂帽在前持矛督匪

抗拒卽係首逆麻大旗劉二經都司趙起貴胡

超帶同外委劉延清甯由臣馬雄馬兵杜天輝

石生玉劉章徐彪首先搶上將該匪二人立時

用矛戳斃賊衆驚潰我兵一擁而上沿山壓殺  
賊匪紛紛向嶺後奔竄官兵盡力追剿殲斃賊  
匪一千七百餘名均割取耳記生擒賊中大旗  
頭目張萬興屈貴陳大明馬榮昌龍得光等五  
名小旗先鋒七十餘名亦卽梟首搶獲騾馬七  
百八十餘匹大小礮十一位鳥鎗三十八桿長  
矛一千九百餘桿大小旗五十一面擒獲活賊

八百三十五名又於老林內搜獲餘匪六百餘  
名訊據供稱麻大旗劉二在前與官兵抵敵被  
矛子戳斃李大旗楊小一亦被官兵殺死卽令  
指認李大旗楊小一首級質之衆匪皆稱屬實  
臣楊遇春卽將該逆等首級於栢楊嶺桃花坪  
胡家堡懸示所獲各匪除被裏旬日以内並未  
持械傷人有平民願保者卽予保釋其餘從賊



金匱要略卷之三十三  
既久均卽立予正法查麻大旗股匪三千數百人忽分忽合最爲兇狡今仰仗

皇上天威一經接仗首逆盡行殲斃餘匪無一漏網  
現在隴州寶雞一路肅清至總兵吳廷剛祝廷彪專剿尤九陳四一股此股賊匪人數亦多茲據探報該鎮等於十二日行抵寧陝屬之木瓜園距賊不遠乘夜冒雪直抵賊營殺斃一百餘

名復四面圍攻殺斃五六百名生擒僞元帥尹朝貴大旗手劉功等十六名活捉男婦四百餘名割取耳記一百三十八副奪獲器械無數其剿散賊匪千餘名分作兩起向東逃竄復經叅將張起鰲趕至黃草坪地方殺斃三百餘名餘匪仍連夜逃竄於十八日逃至鎮安寧陝交界臣等查祝廷彪現已馳赴西鄉隨同將軍賽冲

阿剌辦前次過江賊匪吳廷剛自必跟追此股  
東竄之賊惟商州鎮安一帶無兵攔截該處路  
通楚豫倘賊匪連夜窮奔所關非細臣等已將  
營中現有之河州兵一千名令總兵馬元全數  
帶領星夜馳赴商州山陽一帶截剿如將此股  
賊匪辦竣卽留該鎮在寧陝一路專顧東面以  
防零匪竄逸再查各股匪徒一經見仗卽分投

四竄若兵力不敷分剿又致到處裹脅惟有厚  
集兵力每遇股匪卽可分布圍剿卽或間有竄  
逸亦可分兵追捕現在臣營中之兵已全數派  
出惟有仰懇

皇上天恩將後起凱撤官兵二千名賞給臣長齡帶  
領入山相機剿辦務期迅速肅事仰慰

聖廑

長齡朱勲奏言伏查現在匪徒均係烏合之衆  
兵力既集不日即可殲除至軍需浮冒必須先  
將實力不能實銷者開報立案歸於攤捐以杜  
浮銷灑銷之弊此次軍需除鹽價夫價馬乾例  
准報銷各款均照額勒登保奏定章程支給外  
所有各州縣稟報安設義勇擇其實在緊要者  
始行批准其隨征義勇口糧及鼓勵兵勇賞需

銀兩飭令局員另記檔案將來事竣之後據實  
奏明於本省攤捐歸款不入報銷如此辦理則  
冒銷灑銷之弊不禁自絕再隨征官兵應支餉  
銀均已照經畧額勒登保奏定章程支放惟留  
防峪口之滿兵五百名漢兵五百名如剿賊之  
日自應照征兵給予分例其防禦之日定例每  
日只支口糧米八合三勺不給鹽菜查該兵丁

等每日蔬菜柴薪之資在所必需可否仰懇

皇上天恩俯照署直隸督臣章煦奏定章程以奉

旨之日爲始每兵每日支給柴薪銀三分之處伏祈

訓示至甘省秦階一帶征防之兵亦請照<sub>臣</sub>等現奏

章程一體支給均奏入

上命軍機大臣傳諭長齡楊遇春朱勲日長齡等奏

剿淨麻大旗等股匪寶隴肅清其尤九陳四一股

經吳廷剛等追至寧陝地方冒雪進攻殲擒七百餘名並生擒僞元帥尹朝貴等嗣賊匪分起東竄又經叅將張起鰲剿斃三百餘人賊勢已就衰敗惟此股餘匪現復逃至鎮安寧陝交界地方該處路通楚豫亟須併力攔截長齡已派馬元帶兵一千名赴商州一帶截剿尙恐兵力不敷現在後起凱撤官兵二千名過陝著卽交長齡截留協剿長



齡並可於此內酌撥數百名飭知帶兵將領就近  
取道趕赴馬元一路幫同堵截卽將竄匪就地剿  
盡勿令竄近豫境爲要再楊遇春現已將麻大旗  
等一股賊匪辦竣其吳孤孤龔貴股匪竄至沔縣  
黑河一帶滋擾賽沖阿移兵洋縣以後僅派遊擊  
林向榮帶兵五百名堵遏兵力太單恐該匪等四  
出裹脅人數漸增楊遇春由寶隴一帶前赴沔縣

甚近著卽帶領勝兵探明吳抓抓龔貴二逆現在  
屯聚何處卽星馳趕赴先將此股賊匪悉數剿除  
毋令旁竄刻下萬五麻大旗大股賊匪俱已殄滅  
所餘皆分股散竄之賊長齡務遵照原定限期於  
前二月內一律辦竣必當加以懋賞該督等不可  
不勉之又勉也

上又命軍機大臣傳諭方受疇呢瑪善曰長齡等奏

吳廷剛所辦尤九陳四一股餘匪連夜東竄於十八日逃至鎮安寧陝交界現派馬元帶兵一千名馳赴商州山陽一帶截剿等語陝省商州山陽一帶與豫省西界毘連賊匪現在東竄呢瑪善係南陽鎮總兵豫陝交界地方正其所轄著卽行挑帶勁兵一千名星夜馳赴該處紮營防堵一面多派弁兵偵探倘賊匪有竄近之信卽迎頭截剿與馬

元等併力夾擊以剿爲堵無庸深入陝境總當緊  
顧本省邊防勿任賊匪一名闖入豫境爲要

上諭內閣曰長齡等奏剿辦麻大旗劉二股匪首夥  
全行殲斃寶隴一帶肅清一摺麻大旗劉二股匪  
前由南山竄至隴州等處糾衆至三千數百人經  
楊遇春帶兵剿辦茲據奏稱官兵趕至桃花坪當  
卽殺賊一百餘名訊知該匪夥內尙有前次分出

之李大旗楊小一另股二千人亦來合夥官兵追至栢楊嶺地方該處兩山夾峙依傍老林賊衆分屯嶺上經楊遇春同總兵游棟雲督率官兵奮力仰攻殺斃二百餘人賊始稍退我兵馬隊步隊各分兩路抄上左右山梁進攻楊遇春親自督兵由中路仰撲賊首麻大旗劉二在前抗拒經都司趙起貴等首先搶上立時戳斃賊衆驚潰官兵乘勝

追剿殲賊一千七百餘名擒獲一千五百餘名並  
將李大旗楊小一臨陣殲斃生擒大小頭目僞先  
鋒多名搶獲騾馬礮械無數此股賊匪首夥三千  
數百人盡數殲擒無一漏網該處全就肅清所辦  
甚好楊遇春游棟雲均著加恩交部照軍功例議  
敘其殲斃首逆之都司趙起貴胡超著加恩以遊  
擊陞用外委劉延清甯由臣馬雄著加恩以把總

陞用馬兵杜天輝石生玉劉章徐彪均卽拔補外  
委此外出力弁兵並著長齡會同楊遇春秉公查  
明保奏再降恩旨

上又諭內閣曰長齡等奏留防官兵懇恩支給柴薪  
銀兩一摺陝省留防峪口等處滿漢官兵定例每  
日只支口糧不給鹽菜惟念該兵丁等防守邊卡  
堵禦辛勤著加恩將該處留防官兵自此次奉旨

之日爲始每兵每日支給柴薪銀三分俾資食用  
其甘省秦階一帶征防之兵亦著一體支給

長齡又奏言

臣等遵

旨將前次投出之吳彪康東榮陳義品陳云傳貴等  
復加提訊該犯等實係起意糾搶之犯卽欽遵

諭旨將該犯等發遣新疆一面行知地方文武留心  
防範並知會松筠俟該犯等解到飭令嚴加管



求如有不安本分及脫逃情事卽就地正法奏

入報

聞

同日章煦奏言竊查直隸省上年被災被賊各

州縣疊次蒙

恩賑卹俱經

臣

刊刷謄黃遍貼曉諭一面飭司遵辦

小民仰戴

鴻慈無不同聲感頌茲復據藩司素納稟稱委員查  
得開東長三州縣境內尙有歉收村莊及鰥寡  
孤獨等戶該州縣連年積歉又當兵燹之後情  
形較重應查明辦理臣查該藩司久駐大名所  
查係屬實在情形合無仰懇

聖恩將開州東明長垣三州縣境內歉收未被賊擾  
村莊無地失業貧民及鰥寡孤獨等戶照順廣

大等屬歉收村莊之例補行

賞給上冬兩月口糧本年青黃不接再行

加賞兩月口糧每大口日給米五合小口減半每戶

不得過三大口俱以本折兼放所需米石在於

運到奉米漕糧內撥給折色銀兩仍以每石給

銀一兩四錢於司庫存貯賑卹項下動撥事竣

造冊報銷奏入

上諭內閣曰章煦奏查明開東長三州縣歉收村莊  
懇請一體給與口糧一摺直隸開州等三州縣上  
年被旱歉收又當兵燹之後青黃不接窮黎乏食  
自係實在情形除被賊蹂躪村莊業經降旨撫卹  
外著加恩將開州東明長垣三州縣境內歉收未  
被賊擾村莊無地失業貧民及鰥寡孤獨等戶照  
順廣大等三州縣歉收村莊之例補行賞給上冬

欽定四庫全書  
卷三十三  
二四  
兩月口糧再加賞本年兩月口糧本折兼放所需  
米石准其在於運到奉米漕糧內撥給折色每石  
給銀一兩四錢在於司庫存貯賑卹項下動撥

章煦又奏言竊查鉅鹿縣民田克岐等聽從監  
禁絞犯李經散旗謀逆案內究出散會首蕭秀  
魁得有河南逆匪白旗上寫奉天開道字樣經  
臣將田克岐等一案先行審明依律辦理聲明

蕭秀魁尙應質審另結在案查蕭秀魁所得白  
旗係李幅元家內所造由李思順書寫給與蕭  
秀昌轉傳蕭秀魁先後拘提李幅元等各犯到  
省逐加研鞫緣嘉慶十八年四月內有隆平縣  
人張玉祥患病經楊遇山引領于克敬至家醫  
治卽與楊添保拜于克敬爲師李幅元聞知亦  
將于克敬楊遇山接至伊家與范成名李書李

思順俱拜于克敬爲師六月內又有長垣縣人  
羅文志至李幅元家傳教收吳洛濟爲徒八月  
底河南教匪賈士元至李幅元家聲言滑縣卦  
主李文成定於九月十五日起事伊帶有奉天  
開道白旗臨時插於門首可免殺害李幅元隨  
做白布旗五桿囑李思順照樣書寫給與李思  
順一桿李思順將分得白旗情由向蕭秀昌告

知經蕭秀昌將旗要去轉付蕭秀魁而蕭秀魁  
已於七月內得有田克岐案內匪犯霍景幅所  
給黃綢旗二桿迨事發聞拏始各將黃白旗燒  
燬訊據各犯供認不諱查李幅元蕭秀魁得受  
白旗並預知滑縣逆謀情罪重大均應擬斬立  
決梟示審明後臣卽恭請

王命將該二犯綁赴市曹處斬仍梟首解赴犯事地



方示衆李思順張玉祥楊添保范成名李書吳  
洛濟均改發新疆給額魯特爲奴蕭秀昌等犯  
分別滿流杖責擬結奏入得

旨刑部議奏旋經刑部議覆均照所擬完結

上從之

章煦又奏言竊查田克岐等散旗惑衆案內要  
犯張九成節經飭拏未獲茲據委員緝獲到案

臣親提嚴鞠緣張九成卽張小猴籍隸南和縣  
素習醫卜星相出外營生兼習拳脚與鉅鹿縣  
大乘教會首李景幅係屬姻親並與李經劉惻  
名等素相熟識嘉慶十五年間李經曾囑張九  
成爲其子李中秋卽李秋算命看相該犯妄許  
大貴二十五歲可幹大事並以嘉慶十九年應  
有刼數可將李中秋年歲加增乘時出世之言

向李經煽惑十六年李景幅李經等因大乘教  
事發獲罪後有案內散會首劉帼名欲圖興復  
大乘教往與張九成商謀該犯起意描刻

御寶鈴葢榜文哄動會衆希冀控翻大乘教前案迨  
散會首王心正等攜帶榜文赴京被獲破案張  
九成聞信脫逃經前督臣溫承惠先將劉帼名  
等分別定擬辦理張九成逃後屢改姓名潛匿

河北一帶地方後又改名張贊廷逃至容城縣  
往投素識之散會首錢洛容並告知犯案逃匿  
情由當經錢洛容引至束鹿縣張自超家亦將  
前情相告張自超與子張士達留住經委員徐  
志祖購線訪知會同該縣徐濬獲解到省訊據  
供認不諱查張九成於劉輜名等私刻木戳印  
用榜文復興大乘教案內罪應斬梟之犯復於

李經等謀逆散旗惑衆案內究出該犯爲李經之子李中秋算命看相妄言禍福以致李經等起意謀逆實屬逆案罪魁應照律凌遲處死

臣

於審明後卽恭請

王命將該犯綁赴市曹立卽凌遲處死仍梟首解赴鉅鹿南和一帶示衆張九成家屬照律緣坐張自超與其子張士達等犯分別軍流擬結奏入

得

旨刑部議奏旋經刑部議覆均照所擬完結

上從之

章煦又奏言查逆犯張九成逃匿稽誅已及兩

載屢次奉

旨嚴拏未獲候補知縣徐志祖於正月十四日在束

鹿縣地方會同該縣徐濬選帶丁役分途堵截

卽時擒獲尙屬認真緝捕徐濬本有失察處分  
今會同拏獲功過僅足相抵候補知縣徐志祖  
可否

量予獎勵之處出自

皇上天恩奏入得

旨徐志祖儘先補用

同日松寧潤祥奏言竊臣潤祥接奉

諭旨遵將新民屯查獲張觀瀾張建模等之原摺原  
審各員提集臣松寧亦卽馳抵奉天會同研鞫  
緣協領依克唐阿等訪獲新民屯褚文學豆腐  
房之張建模等五人訊無謀逆情節依克唐阿  
等並未用刑嗣經委員四德等將張建模擗耳  
跪鍊始據供出張觀瀾是河西務屯居黃帶子  
趙玉叫伊至五台子張名遠處送信糾約滋事



張觀淵堅不承認當經擗耳跪鍊加以壓損始據含混供認其在五台子拏獲之張道士卽張學盛並不叫張名遠據供實不認識趙玉並未見張觀淵去送書信加以掌責亦誣認係無爲教紅陽會曾經傳徒等因該委員等於誤拏到案之人並不細心推鞠一味刑求以致張建模畏刑妄供致多拖累除刑部司員錫福鳳德於

另案叅

奏革職札倫泰解任候審外請

旨將佐領四德佛德奉天治中呂士淳一併革職僅

同會審並未刑求之協領恒慶驍騎校武訥璽

穆承泰解任以便提同錫福鳳德札倫泰嚴審

定擬具

奏

和寧慶惠誠安奏言竊<sub>臣</sub>等奉

旨飭拏新民屯張姓當派員將年貌住址相仿之張  
觀瀾並伊族弟張建模等獲案派員審訊遂據  
一面之詞冒昧具

奏迨拏獲張學盛訊供後張觀瀾在監患病不能  
質訊隨遵

旨將該犯等解京止於摺內聲稱前後情節不符犯

供支離並未將張觀瀾患病不能質訊緣由詳細聲敘種種錯謬惶愧無地請

旨將<sub>臣</sub>等交部治罪

緒莊貴慶華連布奏言<sub>臣</sub>等會審張學盛一案

業據張學盛供明並不認識張觀瀾委無謀逆

情事<sub>臣</sub>等未經據實奏明率將張學盛與張觀

瀾張建模委員解京實屬糊塗拘泥愧懼交集

請

旨將<sub>臣</sub>等與和寧等一併交部治罪均奏入

上諭內閣曰松寧等奏審訊張觀瀾等畏刑誣認謀逆一案將承審各員請旨革審並和寧緒莊等自請治罪各一摺奉天承審各委員於誤拏到案之張觀瀾等不虛衷研鞫任意刑求逼認謀逆重情咎無可辭但尙無受賄故勘情事佐領四德佛德

治中呂士淳免其革審著交部嚴加議處協領恒  
慶驍騎校武訥璽穆承泰著免其解任交部議處  
和寧慶惠誠安任聽屬員濫刑誣枉草率入奏著  
交部議處緒莊貴慶華連布明知案情未確不據  
實平反著一併交部議處

臣等謹案禁奸詰暴所以衛民非以擾民也  
若株累無辜妄希功敘刑求誣枉其弊豈可

勝言我

皇上本除莠安良之意

示賞功罰過之條凡官吏人等有緝獲逆案正法者

無不渥沛

恩施用昭獎勵而

睿思審慎惟恐奏報之情或有冤濫

申諭飭戒至再至三前以山海關副都統奏訊司敬

武等五案情節支離

欽差文孚等馳往覆鞫茲復以

盛京將軍等奏訊張觀瀾等犯案情不實

特派松寧等會同查辦廉得誣枉悉予平反其核轉

承審各官奉

旨分別懲處仰見

聖慈念切同僚雖奏當之成必加詳審務得其情而



金匱要略卷之二十一 刑 三十三  
申理之使誣陷之民出水火而登衽席此外  
如山西獲案之張錦玉山東獲案之白居易  
江南獲案之劉第五以及京外各衙門節次  
獲犯經刑部訊係無辜隨時奏釋並降

旨黜罰者前後又不下十數起

大聖人仁義兼賅

德威並用所由淑慝分而獄無枉縱刑賞正而人知

勸懲也歟

正月二十八日庚寅賽冲阿奏言竊臣帶兵過陝

途次沔縣據報洋縣股匪竄過漢江逼近川境

當卽帶兵兼程前進沿途探得匪衆已竄西鄉

縣之德寶黃池堰口一帶肆意焚掠臣卽由天

明寺渡河繞出賊匪南面以杜其入川之路直

搗黃河詎該匪聞風狂竄於十六日夜間北竄

三郎鋪白沔峽晝夜兼行二三百里不等該匪  
徒狡獪殊常於四面高山暗藏瞭探每於官兵  
所向先期遁去距我兵總在一二百里之外十  
七日探知該匪在茶壩老漁壩滋擾復有南竄  
之勢臣激勵官兵丁篝火夜行取道七里溝  
楊溪河雪山深箐素無人行之徑使賊探無從  
瞭望十八日夜由石子路康家梁翻越兩重大

山官弁皆下馬步走十九日辰刻衝出木竹壩  
適遇該匪自老漁壩竄來一見官兵卽蜂擁搶  
踞山梁負嵎抗拒臣卽令叅將朱承受蘇勒當  
阿緣事叅革總兵蒙

恩賞留千總唐文淑守備王文衡帶領四川省標官  
兵由左手衝擊遊擊余步雲楊逢春都司蘭國  
額守備冉玉龍等帶領松潘鎮標官兵由右手

金史卷一百三十三  
三  
山梁從上壓下

臣

親率協領阿浪阿佐領蘇勒

芳阿開復遊擊向春煦候補遊擊楊登魁守備

徐廷彪帶領成都滿營及川北鎮標官兵直前

衝殺

臣

望見山梁之上賊首鮮衣頂帽指揮賊

衆抵死抗拒當卽激勵官兵奮力仰攻鎗箭並

發搶上山梁賊匪紛紛退敗

臣

督催各路官兵

併力追殺有外委任朝勝將鮮衣頂帽之賊拏

獲訊係賊首官兵愈加奮勇爭先將前隊匪徒  
盡行殲斃餘賊四散奔潰派兵分投搜捕共計  
殺賊四百餘名滾巖跌斃者一百數十名生擒  
賊首僞元帥楊榮卽楊五僞先鋒孫應材李定  
興二名又大頭目四名小頭目十一名餘匪三  
百零四名奪獲大小賊旗三十七桿刀矛七百  
零八件鳥鎗二十七桿騾馬三十三頭匹訊據

楊榮卽楊五供係湖南澧州人上年臘月間在  
盤匡縣佛爺坪地方同楊二等合夥共是五號  
我是青號頭子由板房子一帶焚掠今年正月  
初間到洋縣代古坪一帶滋擾十二日由金溜  
子偷過漢江同綠號頭子苗小一合股共有二  
千餘人衆人稱我同苗小一做元帥想到四川  
焚掠十六日探得官兵南來截剿又折走白沔

峽一帶想避過官兵由老漁壩木竹壩入川因  
此路兩面皆高山深箐無路可通可免官兵截  
剿不料官兵趨行迅速致被捉獲我所帶青號  
匪徒共八九百人今日悉被殲擒至苗小一所  
帶後隊綠號匪衆一千餘人正在老漁壩起程  
前來聞得我們打敗想已逃回原路去了這所  
獲孫應材李定興俱係起事時戰手封做先鋒



各等語質之餘衆供亦相同審明後卽將楊榮  
卽楊五與僞先鋒李定興孫應材對衆碎割梟  
示被害地方其餘甘心從賊之龔大旗等一百  
三十三名悉予斬決其臨陣投出被裹未久之  
盧永華等十四名交與西鄉縣暫行監禁一面  
咨會陝西撫臣朱勲查明發遣新疆外有實係  
被脅難民李朝等一百七十二名立即釋放查

楊五一股已殲除淨盡其由老漁壩折竄原路  
之苗小一股匪頃據探報已竄回漢江北岸是  
此時漢江以南全境肅清川邊安靜臣卽帶兵  
緊躡苗小一股匪務窮其所向一律掃除不使  
稍留餘孽奏入

上命軍機大臣傳諭賽沖阿曰楊五一股已殲除淨  
盡其由老漁壩折竄原路之苗小一一股竄回漢

江北岸賽沖阿帶領勝兵跟蹤緊躡務當窮其所  
向不予以暇迅卽剿除將此股賊匪辦竣卽由六  
百里馳奏以慰厯注其吳孤孤龔貴股匪在沔縣  
黑河一帶滋擾已令楊遇春帶兵馳往剿辦沔縣  
距洋縣不過二百里賽沖阿剿平苗小一股匪卽  
可就近前往協剿以收夾攻之效倘該匪又已遠  
竄相距在四五百里之外賽沖阿毋庸深入卽在

寧河一帶緊顧邊防勿令一賊闖入川境再賊首  
楊榮供內有洋縣河北岸有黃號段總兵帶有四  
五百人之語賽沖阿現在漢江北岸並將此股賊  
匪一併就地剿除勿令裹脅滋蔓爲要

上又命軍機大臣傳諭長齡楊遇春朱勳曰本日據  
賽沖阿奏稱該將軍追剿渡江竄匪於本月十九  
日追至木竹壩地方適遇該匪由老漁壩竄至該

將軍親身督戰大加剿殺將賊首楊榮卽楊五孖  
獲殲斃賊匪五百餘名生擒三百餘名所有股匪  
八九百人均已辦淨其後隊苗小一所帶綠號匪  
衆一千餘人竄回漢江北岸該將軍仍帶兵緊躡  
等語渡江賊匪本欲竄入川境經賽沖阿帶兵緊  
躡將前股八九百人全數剿淨其後股亦折回江  
北此時漢江以南已就肅清川北可以無虞此股

折回江北之賊賽沖阿乘勝追剿當亦不難辦淨  
惟吳抓抓龔貴等股匪前據奏稱在黑河沔縣一  
帶遊奕楊遇春剿淨麻大旗一股之後已飭令移  
兵前往日內曾否趕上痛剿不致散竄又吳廷剛  
所剿尤九陳四一股昨據奏稱逃往寧陝鎮安一  
帶馬元帶兵攔剿曾否截回均爲垂厖著長齡等  
迅卽具奏再本日賽沖阿奏到賊匪楊榮供內據

稱該匪等起事之初分成五號黃號係僞總兵段  
姓紅號係楊二劉濫子綠號係苗小一尤九藍號  
係僞總兵黃姓該匪係青號頭目並據供稱綠號  
尤九因擄掠婦女被苗小一將伊殺斃等語此五  
股賊匪除紅號楊二於投首之後赴賊營招降被  
殺又青號楊榮此次擒獲正法綠號苗小一現經  
賽冲阿追剿外其餘黃號段姓現在洋縣河北岸

藍號黃姓現竄往五郎山紅號劉濫子現在何處  
竄逸是否卽在沔縣黑河及寧陝等處賊股之內  
抑另自分竄他往又綠號尤九一犯旣據供稱已  
被苗小一殺斃何以該督等屢次摺內俱稱尤九  
與陳四一股在蓋屋山內奔竄是否尤九實未被  
殺賊供難信抑與陳四奔竄者並非尤九均著查  
明先行覆奏



上諭內閣曰賽沖阿奏帶兵痛剿漢江股匪拏獲賊首僞元帥僞先鋒等審明正法漢江以南全境肅清一招賽沖阿前在沔縣防堵因聞陝省南山剿散餘匪竄渡漢江卽移兵前往剿辦茲據奏稱賊匪聞官兵追躡由白沔峽老漁壩一帶晝夜狂奔沿途焚掠官兵星馳追擊雪山深箐篝火夜行徒步翻越數重大山適遇該匪竄至當加剿殺賊匪

負嵎抗拒賽沖阿親率官軍直前衝撲望見賊首  
楊榮卽楊五佔據山梁指揮羣賊官兵人人奮勇  
一齊搶上山梁外委任朝勝立將賊首拏獲其餘  
匪徒紛紛敗潰官兵大加搜剿共計殲賊五百餘  
名生擒三百餘名並獲僞元帥僞先鋒及大小頭  
目多名奪獲鎗械騾馬無數漢南全就肅清所辦  
可嘉之至賽沖阿著加恩交部照軍功例從優議

敘並賞給四喜玉搬指一個白玉牌一面花大荷包一對小荷包二個其生擒賊首之外委任朝勝著加恩超陞千總並賞戴藍翎以示鼓勵其餘出力弁兵著該將軍查明據實保奏再降恩旨

是日衡齡奏言

臣前奉

旨截擊首逆林清繼妻趙氏妾陳氏就地正法等因  
茲據臨晉縣知縣鄒澍寧詳稱正月初三日准

前途將犯婦林陳氏一名遞解到縣該縣於訊  
明後卽將該犯婦陳氏會同營員遵

旨處絞訖其林趙氏一犯據永濟縣稟報已於上年  
十一月十九日遞解過境等語奏入報

聞

正月二十九日

卯

上命軍機大臣傳諭長齡曰長齡前任河南巡撫有

失察匪徒滋事之咎加恩免究至於陝省山內匪徒滋事之案長齡甫任陝甘總督與伊無涉此時無可回護究竟此案滋衅緣由因何而起上年十二月間朱勲初次奏報卽稱該匪等係木廂傭工之人因停工乏食糾夥搶糧以後每次奏報亦均以饑民爲詞而焚掠傷人擾害日甚且裹脅人數動輒數千旗幟鎗礮無所不有試思鎗礮二項豈

能倉猝製辦今計每次接仗官軍搶獲者爲數不  
少又如騾馬一項楊遇春剿殺麻大旗一股卽奪  
獲七百餘匹該匪等沿途搶刦亦豈能如此之多  
看此光景恐非盡屬饑民地方官回護平日失察  
處分托詞卸過必須大加懲創昨日賽沖阿奏到  
賊供內稱該匪等起事之時卽分爲五股有黃號  
紅號綠號藍號青號之別頗似從前白蓮教滋事

之時分青藍白線字號情形恐該省仍有邪教首  
夥蓄心謀逆去冬賊供曾有潼關以西有五座大  
營盤之語此言亦未可謂之全虛其木廂停工之  
言或係托詞著長齡詳細確查若實因年歲荒歉  
地方官何以不早爲撫卹如州縣諱災將州縣官  
指名嚴叅如州縣業已稟報而上司諱匿不辦則  
將該上司等嚴叅此事如係饑民則地方官有諱

災之罪如係邪教則地方官有失察之罪務將確  
情秉公具奏毋稍含混